



## Universitätsbibliothek Paderborn

**Consultationes Theologicæ Et Spirituales Christiani verè  
fidelis & verè devoti ...**

... De Excellentiis Jesu Christi Dei-Hominis

**Louis François <d'Argentan>**

**Augustæ Vindel. ; Dilingæ, 1723**

**VD18 80217931**

Art. II. Qua ratione Jesus Christus satisfecerit pro debitibus nostris, & pro cunctis peccatis nostris.

**urn:nbn:de:hbz:466:1-45509**

rati, jamque totus commotus gratitudinis affectu erga bonitatem illius, qui se nunc primum ab ergastulo venerat liberare. Intelligebat probè, alias has animæ miseras infinitam ratione magis esse deplorandas; hinc revolvens animo infinitam obligacionem, quâ devinctus erat JESU Christo, quod liberaverit se ab illis, ita se sensit commotum, ut altum exclamaverit lacrymantibus palpebris: Ah! Domine, quantum urges, quantum extimulas cor meum! gaudebam de

somnio; sed tu me reples gaudio infinitâ ratione majori, quod illius mihi inducit oblivionem. Credebam ipsum, qui extraxerat me è meo carcere, esse hominem, cui maximâ, quæ excoigitari possit, devinceret obligatione, mèque debere ipsi totum amorem cordis mei. Sed fateor, JESUM Christum hunc esse: Ita ipse est solus, cui omnia debeo. Tu me doce, quâ ratione ita satisficerit pro me; audi, tibi dicam.

## ARGUMENTUM.

*Quâ ratione JESUS Christus satisficerit pro debitis nostris, & pro cunctis peccatis nostris.*

### ARTICULUS II.

JESUS Christus  
voluit esse  
noster cog-  
natus,

Voluit in primis contrahere nobiscum necessitudinem arctissimam & cognitionem tam constantem, ut absque eo, quod observaret inæqualitatem partium, & infinitam inter te & nos distantiam, despontaverit se cum natura nostra humana, tam fortivinculo se uniens illi, ut id nunquam in perpetuum sit disrumpendum; sed unione tam intimâ, ut, quidquid dicitur de coniubiis, quæ non nisi unam eandemque rem constituant ex personis hanc conditionem amplectentibus, non sit nisi unio quædam ficta in comparatione. Si quidem verum est, Filium Dei naturæ nostræ humanae despon-

satum in Mysterio Incarnationis, non esse reipsâ, nisi unam eandemque personam cum ipsâ.

Ecce igitur ipsum firmissimè JESUS Christus obstrictum commodis familiæ desponsans si-  
humanæ; & ex hoc momento bi naturam duæ partes, quæ ineffabili hoc connubio humanam, in perpetuum sibi in- desponsavit vicem sunt unitæ, tam plenam sibi cunctas p- & integrum possident rerum sus debita. omnium communicationem, ut quod est unius, sit etiam alterius, ut omnes infinitæ excellentiæ Dei, excellentiæ fiant hominis, & dici possit: Homo est Omnipotens, homo est æternus, homo est Creator mundi; & econtra omnes indigentia, omnes infirmates & miseriae hominis fiant im- fir-

firmitates & miseriæ Dei, & affirmari reetè possit: Deus est pauper, Deus est impotens, Deus est passibilis & mortal: desponsando se nostræ naturæ, desponsat sibi omnia debita nostra, sequé illis onerat, seque obstringit ad solvendum illa ex integro, illaque aspiciens velut sua.

**Admirabilis inventio Sapientiæ Dei,** dum eandem Personam debitorum fecit et Deum, & consequenter est ipse & creditorem, cui debet. Rupertus Abbas admiratur in hoc adinventiones divinæ sapientiæ, ad satisfacendum plenæ justitiæ Dei, faciendo, quod eadem personæ debitor esset ac creditor, quodque Iesus Christus Homo Deus esset uterque. Ipse debet infinitâ ratione velut homo; verum si esset solum homo, satisfacere non posset debitibus suis, eoque nimis quam pauper esset: Ipse est infinitâ ratione dives; sed si esset solum Deus, non posset esse debitor, & consequenter nec deberet solvere, sed o admirabile vinculum utriusque, quod nonnisi eandem facit personam è duobus! hanc ratione is, qui non debebat, factus est debitor, & is, qui solvendo non erat, factus est Omnipotens, ut satisfacere posset omnibus debitibus suis. *Unus idemque I. de divinis Christus, inquit Rupertus, ut verus officiis §. 36.*

Deus ab homine exigeret, ut verus homo persolveret. Hoc tangit ipsum solum, ipse obligatus est ad satisfactionum cunctis debitibus indigentis nostræ naturæ humanæ, quam sibi desponsavit.

Jam ipse hoc facere potest plenè & abundantanter, eoque omnes actiones, quas faciet velut homo, futuræ sint valoris infiniti, cum actiones futuræ sint Personæ divinæ, & dignitas actionis mensurari debeat à dignitate Personæ facientis. Nonnè certis, quomodo hæc convenienter optimè legibus bonæ justitiæ? Homo offendit Deum, & peccatum ipsius est malum inhumatum, eoque sit injuria facta Majestati infinitæ. Et ecce modò Homo - Deus reparat hanc injuriam per satisfactionem infinitam, eoque hæc reparatio sit facta à Persona divina, quæ Majestatis est infinitæ. Hæc pretio sunt paria: ille, qui offenditur, est Deus; ecce offendam infinitam; & ille, qui reparat offendam, est Deus; ecce satisfactionem infinitam. Ecce igitur æqualitatem omnino integrum, & justitiam in toto rigore suo observatam, infinitum pro infinito.

Verum dicas, rigorosa non est hæc justitia: nam si consideres Videretur Iesus Christum satisfacentem Christus non Deo pro peccatis hominum, ut satisfecisse in talis non est æqualis Patri suo, tia, sed est ipsius inferior, ipsius subditus,



ditus, ipsius servus, ipsius supplex: ecce prostratum illum humiliter ad pedes ipsius velut reum, qui efflagitat misericordiam, æqualitas non est inter Dominum & servum, multò minus inter Creatorem & creaturam; & deinde justitia obligat æqualiter ambas partes eandem simul causam tractantes, juxta leges justitiae rigorosæ, sed Deus aliquâ lege obligari non potest. Impossibile igitur est, JESUM Christum satisfacere Deo pro omnibus debitibus hominum, juxta rigorem justitiae, accipe enim illum ut volueris; velut homo est nimis infra Deum, nihil hic adeat æqualitatis; velut Deus nimium attollitur supra conditionem Reparatoris alicujus injuriæ: ipsius non est facere satisfactionem, sed ipsius est hanc accipere.

Qua ratione  
JESUS Christus  
verè satisfa-  
ciat in rigore  
justitiae,

Quid facis, dum ita loqueris? an dividere vis Christum, ut Deum colloces ex una, & hominem ex altera parte? si hoc est, destrues ipsum, & non amplius habebimus Salvatorem. Ne separes, quod Deus conjunxit, ne solvas sacram hoc connubium naturæ divinæ cum natura humana in Persona JESU Christi, qui totus semper manet & integer. Invenies in unica Persona Dominum & servum, Creatorem & creaturam, supplicem & Deum, quem supplicat. Ipse igitur submittere se potest

Deo, ad reparandum injuriam, eòquod ipsius sit inferior; sed potest id facere in toto rigore justitiae, eòquod sit ipsi æqualis; & potest id omnibus modis, cùm statuendum sit indubitatum hoc principium, quod omnes ipsius actiones habeant dignitatem & valorem infinitum, utpote productæ à Persona divina. Jam quod verè habet valorem infinitum. Sufficere sînè dubio potest, ad solvendum omnis generis debita, quantumvis maxima; & id, quod dignitatem habet infinitam, rejici non potest, velut indignum.

Pono, quod verum sit, Deum obligatum non esse ad recipientum satisfactionem, quamvis hæc æqualis esset offendæ, cùm concedi debeat, quod Deus nec stringi nec obstringi possit aliquâ lege, nisi illâ, quam impone re voluerit sibi iphi, per aliquam sese obstringens promissionem. Sed nonne toties obstrinxit se per promissiones suas, de recipienda satisfactione à Messia, quem missurus erat, ut esset Salvator hominum? loquens de ipso in Vate Isaia dicit: *Ecce ser-*  
*vus meus, suscipiam eum, electus meus,*  
*complacuit sibi in illo:* Et paulò in ferius. *Et dedi te in fædus populi, in*  
*lucem gentium.* Et adhuc in Isaia:  
*Si posuerit pro peccato animam suam,*  
*videbit semen longavum.* Sed quando tam solemnes non dedisset pol-

*Isa. 42, v. 1.*  
*v. 6.*

*Isa. 53.*

Deus obstric-pollicitationes, quā ratione non  
tus est pro-acceptasset satisfactiones illius,  
missione, de qui Deus est Majestatis infinitæ,  
recipiendissima qui humiliabat se ante ipsum, ut  
satisfactionibus præstaret ipsi homagium, cùm  
Iesu Christi, impossibile sit illi exigere maiorem  
honorem pro reparatione  
contemptus ab hominibus accep-  
ti? quā ratione repudiasset meri-  
tum actionum Filii amore infinito  
à se amati, cùm impossibile sit  
illi recipere aliquid sibi gratius ab  
ullo altero? siquidem nec unica  
sunt ex actionibus ipsius, cuius  
infinita non fuerit dignitas, va-  
lor & meritum.

Quæ differen-  
tiæ inter me-  
ritum & satis-  
factionem IESU  
Christi.  
Quam differentiam tu collo-  
cas, interrogabat hic homo, inter  
meritum & satisfactionem? sunt  
nē hæc duo diversa? an separari  
possunt in actionibus IESU Christi?  
non, inquit ipsi Ecclesiasticus,  
non est nisi infinitus valor sanctissimorum ipsius operum, qui  
modò appellatur meritum, mo-  
dò satisfactionis. Quando hic valor  
offertur Deo ad acquirenda nos-  
bis bona supernaturalia, & præ-  
cipue bona æterna, quorum in-  
dignissimi sumus, appellatur me-  
ritum; & quando idem hic va-  
lor servit ad liberandum nos à  
peccato, nōsque custodiendum  
à peccatis æternis, quarum ob pec-  
cata nostra eramus digni, voca-  
tur satisfactionis: videtur igitur u-  
num respicere cælum, ad com-  
parandum id nobis, & alterum  
respicere infernum ad redimen-

dum nos ab illo: meritum nobis  
consignat possessionem bonorum;  
satisfactionis nos liberat ab  
oppressione malorum. Sed ambo,  
meritum & satisfactionis, inse-  
parabilia sunt in actionibus IESU  
Christi: ubicunque meretur, e-  
tiam satisfacit, & ubi satisfacit, e-  
tiam meretur, & ambo, quæ in-  
finita sunt, pari passu ambulant.

An igitur satisfecit & prome-  
rit per omnes actiones vitæ suæ, satisfecit &  
an solùm per alias? per omnes, promeruit  
respondet Ecclesiasticus. Incepit continuè à  
jam ab introitu suo in mundum; primo instan-  
ti vita suæ,  
liquidem primum opus, quod fe-  
cit, sicut scribit sanctus Apostolus  
Paulus ad Hebreos, erat offerre  
sacrificium voluntarium sui ip-  
sius Deo Patri suo pro Redemp-  
tione peccatorum; & tam accep-  
ta ipsi fuit hæc actio, ut ipsa sola  
sufficeret ad sanctificandum nos  
omnes. Hinc est, quod sanctus D. Thom. 3,  
Thomas, & omnes Doctores Ca- p. q. 34. a. 3.  
tholici doceant, quod IESUS Christus,  
cùm haberet perfectissi-  
mum usum rationis suæ & liber-  
tatis à primo conceptionis suæ  
instanti, in sinu divinæ Matris  
suæ fecerit ex eo velut primum  
Altare sacrificii sui, ubi immo-  
lavit corpus, animam, & vitam,  
quæ acceperat, devovens se vo-  
luntate efficacissimè velut victimam  
morti, in reparationem  
gloriae Dei Patris sui, & in satis-  
factionem pro omnibus peccatis  
hominum; quodque ex hoc  
Kkkkk mo-

momento meruerit pro scipso exaltationem Nominis sui, glorificationem sui corporis, & pro nobis gratiam ac salutem. Et exinde continuando eundem hunc actum, & eandem hanc intentionem, cunctis momentis vita suæ, & signando omnia opera sua eodem hoc charactere, continuaverit semper meritum suum infinitum, non faciendo totâ vitâ suâ nisi sacrificium perpetuum, quod consummavit tandem in Cruce, quodque absolvit cum vita suâ, dum expiravit: dicens *Consummatum est.*

Totus vitae  
Iesu Christi  
cursus non  
fuit nisi con-  
tinuum sacri-  
ficium meri-  
torium & sa-  
tisfactorium.

Revolve totum decursum vita ipsius, & videbis hunc alius non fuisse, quam continuum sacrificium, ubi immolavit gloriam suam per contemptum, quem nunquam non sustinuit, vivendo in conditione paupere, manens incognitus & abjectus coram oculis mundi, velut novissimus hominum: sacrificium continuum, ubi immolavit sacrum corpus suum per milenos cruciatum, jejunia quadraginta dierum & quadraginta noctium in tristi eremo, absque sumptione ullius cibi, super nudam cubans terram, tenuiter vestitus, nudis ambulans pedibus, vol ad summum vilibus cum sandalis: sacrificium continuum, ubi condemnavit omnes sensus suos ad mortificationem nunquam intermissam, ducens vitam adeò

austeram cum Apostolis suis, ut, quando fuit quæstio de cibandis tot millenis personis, quæ securæ fuerant ipsum in desertum, ad audiendum divina ipsius verba, indagari debuerit, quænam ipsorum fuerit provisio: Et inventum fuit, ipsos aliud non habuisse, nisi quinque panes hordaceos, & aliquos viles pisiculos. Ecce igitur totam abundantiam, totam pretiositatem, totamque magnificentiam supremi hujus mundi Monarchæ: Sacrificium continuum, ubi sanctam suam privavit Humanitatem gloriâ ipsi debitâ per continuum quoddam miraculum totâ ipsius productum vitâ, quodque nunquam interrupturn fuit, nisi paucis momentis Transfigurationis ipsius in Thaboræ vertice, ut innocens caro ipsius idonea esset ad suffrendū dolores, & horribiles cruciatus, quos sceleratissimi fuissent pro meriti: Sacrificium continuum, ubi imolare voluit ipsum dimidium animæ suæ, id est, partem ipsius inferiorem, quam velut prædam reliquit expositam timori, dolori, tædio, tristitia, à quibus ita se passus est obrui, ut ex his se moriturum crediderit in horto Olivarum: Sacrificium continuum, ubi consummavit vitam suam, sine intermissione benè faciendo omnibus, & incessanter quoque ab omnibus recipiendo malum, injurias, abjectiones, reprehen-

hensiones, calumnias, persecutio-  
nes, insulticias, dolores & denique  
mortem.

Et hæc ultima fuit omnium  
ipsius sacrificiorum consumatio,  
quæ etiam ultimum adjecit cu-  
mulum infinito thesauro merito-  
rum divinarumque satisfactionum  
ejus, ubi sanctissima ipsius Humanitas  
tota perforata & tota lacera-  
ta in Cruce, solvebat Deo Patri suo  
omnem sumam, quæ ex integro  
nostra delere debebat debita. Re-  
gius Propheta hæc ori ipsius inse-  
ruit verba: *Concidisti saccum meum.*

Psal. 29.

S. Augustin,  
serm. ult. de  
tempore.

Quomodo  
JESUS Christus  
solverit inte-  
gram summam  
debitorum  
nostrorum  
in Cruce.  
  
Quoniam  
ipsius, quibus plenus erat, effusæ  
sunt super nos, nihil enim pro se  
reservavit; non indigebat ipse  
nec meritis, nec satisfactionibus  
pro propria persona sua, nobis  
igitur omnia sua donavit bona,  
omnia nostra in se suscipiens ma-  
la. Omisericordia infinita! o bo-  
nitas nullis arcta limitibus in-  
municientia sua. Quodnam cor  
non atteratur affectibus gratitu-  
dinis & amoris, aspiciens saccum  
tuum sic in fructu concisum, ut

evacuet & exhaustiat se, ut depau-  
peret se omnibus, illudque locu-  
pletet?

O mi JESU! quam dives sum:  
ex bonis tuis, modò me disponas  
ad recipiendum illa, quæ tam li-  
beraliter effundis e Cruce, quam  
concedisti ex amore erga me!  
siquidem hic invenire est saccum, JESUS Christus  
qui includit omnes tuos thesauros cœlestes; discissus hic est, dum suas gratias  
sanctissima Humanitas tua tota per vulnera;  
est perforata, tota disceptra, tota illas nos quo-  
dilaniata; nil amplius continere que per vul-  
nera recipere  
potes, oportet te omnia effunde-  
re super nos. Sed ad recipiendum  
pretiosas has gratiarum tuarum,  
meritorum tuorum, & satisfactio-  
num tuarum, divitias, acceden-  
dum mihi est ad Crucem tuam,  
& ego illam fugio, cum perpeti-  
nec minimum velim. Video ef-  
fundi illas per vulnera, adeoque  
per vulnera quoque recipere illas  
oporteret; & ego illis amore tui  
fauciari nolo, quamvis te iplis vi-  
deam cooperatum amore mei. O  
JESU patiens, promerens & ope-  
rans misericordiam nostram in Cruce!  
qui nescit tecum pati, nescit ubi  
sit pretiosus thesaurus, quo locu-  
pletare se poslit in aeternitate.

Ecce pulcherrimos sane affec- Dicere, quod  
tus, reponit homo noster non viter JESUS Christus  
ergastulo egressus. Sed, ut verum passus fuerit,  
fatear, non intelligo te adeo be- ut nos à pas-  
nè. Tu dicebas, quod JESUS Chri- immunes, est  
stustantia fuerit erga me bonitate, opinio hære-  
ut onerari voluerit omnibus meis tica.

Kkkk 2 debi-

debitis, ut posuerit se in locum  
mei, ut toleraverit pro me, quod  
tolerare debebam ceu supplicium  
meorum criminum, quodque  
tandem satisfecerit plenè pro me,  
& etiam superabundanter; & mo-  
dò dicens, quod oporteat me, quo-  
que pati cum illo. An igitur satis-  
faciendum est mihi ipsi? Quid  
ergò juvat, ipsum passum esse pro  
me, si adhuc puniri debeam, cum  
que ipso pati? Est idem ac si mihi  
diceres: revertere & redi ad eum,  
qui extraxit te è tuo carcere. Vah!  
cur posuit se illuc, si illuc esse non  
velit? Et similiter, cur JESUS Christus  
pati voluit in Cruce amore  
mei, nisi ut ego non patiar?

Quid inquis, reposuiti subi-  
racundè Ecclesiasticus? probè  
adverto, colloquium tibi fuisse  
cum quopiam hæretico, tèque ip-

fius afflatum veneno perversam  
aliquam concepisse animo sen-  
tentiam: siquidem homines ejus-  
modi carni & sensibus prorsùs ad-  
dicti, ut arceant à se rigida poenitentia  
opera, egregiam hanc pro-  
tulere in medium Philosophiam,  
quod, ut plus honoris attribuatur  
JESU Christo, permettere oporteat  
ipsum pati solum, absque eo, quod  
cruciatum ipsius aliquam nobis  
assumamus partem, quod permit-  
tenda sit ipsi soli satisfactio rota,  
citra id, quod & nos admoveamus  
manum; & idè fugillant ri-  
gores vitæ austerae & actus poenitentia,  
quos nuncupant satisfac-  
tiones humanas, quibus homines  
prætendant salvare seipso, qui-  
que injuriam faciant Passioni Re-  
demtoris. Oportet tibi demon-  
strare hujus errorem, tèq; docere.

## ARGUMENTUM.

*Quâ ratione necessarium sit, ut satisfaciamus ipsem cum JESU Christo & per JESUM Christum penitentia nostris debite.*

### ARTICULUS. III.

Nostra salus  
non est opus  
Dei solius.

Sunt quædam, quæ facit Deus  
solus absque concursu nostro  
veluti magnum opus Creationis  
nostræ: non expetiit ipse conser-  
sum nostrum, ut extraheret nos  
ex abysso nihili, fecit id ipsem ex  
sola bona voluntate suâ, nosque  
nihil ex parte nostrâ hic addidi-  
mus. Sunt autem & alia, quæ fa-  
cimus nos soli absque concursu  
Dei, veluti peccata; monstra hæc

sunt opera solius nostræ malæ  
voluntatis, ex parte suâ nihil hic  
contribuit Deus. Alia insuper  
sunt, quæ Deus non facit absque  
concurso nostro, quæque etiam  
nos facere non possumus absque  
concurso Dei, veluti est ingens o-  
pus salutis nostræ. Hoc est effa-  
tum S. Augustini tam exploratū,  
ut in omnium versetur ore: *Qui S. Augustinus  
creavit te sine te, non salvabit te sine te.*  
Quan-